

Z A P I S N I K
SA SASTANKA MODELARSKE KOMISIJE
ODRŽANOG U SARAJEVU 14.02.2015.

Prisutni:

1. Mirsad Kapetanović – AK “Izet Kurtalić” Visoko
2. Senad Karajić – AK „Jastreb“ Velika Kladuša
3. Siniša Holik – AK Ilidža
4. Alen Halak – AK “Krila Sarajeva” Sarajevo
5. Vjenčeslav Kukić – AK Sarajevo
6. Soniboj Sabo – AK Mostar
7. Ferid Zilić – AK Zenica
8. Kasim Ljubijankić – AK „Kumulus“ Cazin

NAPOMENA: U radu Modelarske Komisije ravnopravno učestvuje po jedan delegat iz svakog aerokluba koji je član entitetskog saveza i koji nastupa na modelarskim takmičenjima u juniorskoj ili seniorskoj konkurenciji. Sastanci MK su otvoreni za sve zainteresirane pojedince i aeroklubove, tako da je uobičajena praksa da se sastanci Modelarske Komisije održavaju u proširenom sastavu uz prisustvo svih zainteresiranih modelara.

Ostali prisutni:

1. Edin Šahinović – AK “Izet Kurtalić” Visoko
2. Edis Kadić – AK „Jastreb“ Velika Kladuša
3. Faik Čičak – AK Zenica
4. Faris Halak – AK “Krila Sarajeva” Sarajevo

Sastanak je održan u hotelu EVROPA, Sarajevo. Sastanak je počeo u 15,00 sati. Sastankom modelarske komisije je predsjedavao Mirsad Kapetanović, Predsjednik MK VS BiH.

Na početku sastanka je Alen Halak ispred VS FBiH, domaćina sastanka, pozdravio prisutne izražavajući zadovoljstvo što sastanku prisustvuju i neki aeroklubovi koji još uvijek nemaju aktivne modelarske sekcije.

Jednoglasno je usvojen sljedeći:

DNEVNI RED:

1. Analiza rada i realizacija programa u 2014. godini
2. Plan rada i kalendar takmičenja u 2015. godini
3. Prijave FAI Open International - World Cup takmičenja za 2015. godinu
4. a) Rang liste kandidata za seniorsku i juniorsku Reprezentaciju aeromodelara BiH u klasama F1 A,B,C na bazi rezultata postignutih u 2014. godini
b) izbor članova reprezentacija

Ad. 1: Analiza rada i realizacija programa u 2014. godini

O aktivnostima aeromodelara u 2014. godini prisutne je ukratko izvijestio predsjednik Modelarske Komisije Mirsad Kapetanović. On je istakao da je u prošloj godini nije u cjelosti realiziran plan domaćih takmičenja. Nisu održana sljedeća takmičenja:

- 1.) „**2. Prvenstvo RS – FAI Open National Contest**“, Nova Topola; organizator AK ULL Banja Luka – Laktaši; F1A, F1B, F1C. Razlog su bile loše vremenske prilike. Nakon nekoliko odgađanja takmičenje je definitivno otkazano.
- 2.) „**Kup grada Zenica**“, Zenica; organizator AK Zenica; D1 seniori i juniori. Razlog je bio izostanak finansijske podrške grada Zenica i problemi sa zakupom sale.
- 3.) „**Proljetni kup 2013**“, Mostarsko Blato, Mostar; organizator AK Mostar; F1A, F1B, F1H seniori, A1 juniori. Razlog je bio dvojak: a) posljednjih godina u proljeće se na terenu dugo zadržava jezero i blato, b) AK Mostar organizira, osim Proljetnog kupa još dva velika takmičenja, što je tehnički veoma veliko opterećenje za AK Mostar. Uprava AK Mostar donijela je odluku da se do daljnjeg više ne kandiduje za organiziranje Proljetnog kupa.
- 4.) „**Kup Mustafa Hadžović 2014**“ F1A, F1H seniori, A1 juniori i **58. Državno prvenstvo aeromodelara BiH 2014**“ F1A, F1B, F1C. , Mostarsko Blato, Mostar; Ova dva takmičenja su se trebala održati zajedno. Nažalost, održao se samo 1. turnus, nakon čeka je takmičenje prekinuto zbog olujnog nevremena. Teren se u roku od pola sata pretvorio u blato i jezero tako da je evakuacija kola i takmičara potrajala do kasno poslije podne. Onima koji su ovo doživjeli, postalo je jasno kako je teren dobio ima „Mostarsko Blato“. Srećom nije bilo ozbiljnijih incidenata niti štete. Prema pravilima FAI rezultati takmičenja sa manje od 5 turnusa ne mogu biti zvanično priznati.
- 5.) „**Sarajevo Cup 2015 HEC, EURO Challenge**“ F1H, Letilište „Kenan Jusufbašić“ Visoko; organizator AK „Krila Sarajeva“. Razlog je bio nedostatak finansijskih sredstava.

Kroz izvještaj je izražena zahvalnost i odati zaslužen priznanje organizatorima svih domaćih takmičenja u BiH.

Seniorska reprezentacija BiH u klasama F1A (u sastavu: Robert Bjelajac, Enes pečenković i Jasminka Pečenković), F1B (u sastavu: Malik Čabaravdić, Emir Hajdarević, i Haris Jusufbašić) i F1C (u nekompletnom sastavu: Mustafa Šahinović) nastupila je na Evropskom Prvenstvu u Rumuniji. Nažalost nisu postigli zapažen rezultat. Razlog lošijim rezultatima od onih na koje su nas navikli naši reprezentativci u poslijeratnom periodu na velikim takmičenjima treba tražiti u odustajanju pojedinih reprezentativaca u posljednjem trenutku jer VS BiH nije uspio obezbijediti finansiranje njihovog nastupa. Umjesto njih selektor je u ekipu uvrsto rezerve, koje očigledno nemaju kvalitet naših najboljih reprezentativaca. I ove godine članovi reprezentacije su sami finansirali svoj nastup na Evropskom Prvenstvu.

Zbog nedostatka finansijskih sredstava, na Evropskom Prvenstvu koje je ove godine održano u Rumuniji nije nastupila kompletna reprezentacija BiH niti u jednoj klasi. O trošku svog kluba nastupio je samo Ferid Rizvanović iz AK Mostar u klasi F1A.

Tokom 2014. godine sljedeći aeroklubovi su imali nastupe na modelarskim takmičenjima:

1. Aeroklub "ULL", Banja Luka – Laktaši

2. Modelarski klub "Galeb", Banja Luka
3. Aeroklub „Sarajevo“, Sarajevo
4. Aeroklub „Krila Sarajeva“, Sarajevo
5. Aeroklub „Mostar“, Mostar
6. Aeroklub „Zenica“, Zenica
7. Aeroklub „Izet Kurtalić“, Visoko
8. Aeroklub „Bihać“, Bihać
9. Aeroklub „Ilidža“, Sarajevo – Ilidža
10. Aeroklub „Ikar“, Sarajevo

Pored nastupa na domaćim takmičenjima, takmičari iz Bosne i Hercegovine nastupili su na sljedećim takmičenjima u inostranstvu: World Cup Srem Kup Zrenjanin (Srbija), World Cup Djordje Zigic Zrenjanin (Srbija), World Cup CRO Cup Zapresic (Hrvatska), World Cup CRO Cup Siscia (Hrvatska), World Cup Prilep Cup (Makedonija), World Cup Macedonia Cup Prilep (Makedonija), World Cup Sierra Cup (USA), World Cup Canada Cup (USA), World Cup Kiwi Cup N.Zealand (USA), World Cup North American Cup (USA), CC World Cup Centennial Cup (USA), World Cup Tui Cup (USA), i 2014 Arizona Championships (USA).

U juniorskoj konkurenciji, u Svjetskom kupu i 2014. godine je bila najbolje plasirana u klasi F1A Sara Budimčić koja je zauzela 73. mjesto.

U seniorskoj konkurenciji, u Svjetskom kupu 2014. godine u klasi F1A Enes Pečenković je ostvario plasman na odlično 23. mjesto.

Najbolji u Svjetskom kupu 2014. godine u klasi F1B bio je Emir Hajdarević koji je zauzeo skromno 78. mjesto.

Nažalost, u Svjetskom kupu 2013. godine u klasi F1C nema niti jednog rangiranog takmičara iz BiH.

Podneseni izvještaj je jednoglasno prihvaćen.

Ad. 2: Plan rada i kalendar takmičenja u 2014. godini

Na osnovu kandidatura upućenih emailom, prethodno obavljenih konsultacija telefonom Predsjednika Modelarske komisije sa potencijalnim organizatorima, izjašnjavanja aeroklubova organizatora pojedinih takmičenja na sastanku, kao i FAI kalendara za 2015. godinu, sačinjen je sljedeći kalendar takmičenja za 2015. godinu:

	Takmičenje	Klasa	Organizator	Mjesto	Termin
1	Federalno prvenstvo FBiH u sobnim modelima	D1	AK „Izet Kurtalić“ Visoko	Visoko	04.04.2015
2	Državno prvenstvo BiH u sobnim modelima	D1	AK "Zenica"	Zenica	18.04.2015
3	Kup grada Zenice	D1	AK "Zenica"	Zenica	18.04.2015

4	51st Mostar Kup (World Cup Event)	F1 ABCQ	AK Mostar	Mostarsko Blato	04.07.2015
5	2015 FAI World Championships for Free Flight Model Aircraft	F1 ABC	Mongolija	Ulaanbaatar, (Mongolia)	27.07- 03.08.2015
6	2015 FAI Junior European Championships for Free Flight Model Aircraft	F1 ABP	Rumunija	Salonta (Romania)	10.-16.08.2015
7	2015 Memorijal Izet Kurtalić (World Cup Event)	F1 ABC	AK „Izet Kurtalić“ Visoko	Bosanski Petrovac	22.08.2015
8	BOS Cup 2015 (HEC, EURO Challenge Event)	F1 H	AK „Izet Kurtalić“ Visoko	Bosanski Petrovac	22.08.2015
9	59. Državno prvenstvo BiH	F1 ABC	AK Mostar	Mostarsko Blato	Septembar 2015.
10	Kup Mustafe Hadžović	F1 AH, A1	AK Mostar	Mostarsko Blato	Septembar 2015.
11	Federalno prvenstvo FBiH	F1 ABC	AK Mostar	Mostarsko Blato	Septembar 2015.
12	Sarajevo Cup 2015 (HEC, EURO Challenge Event)	F1 H	AK „Krila Sarajeva“	Letilište „Kenan Jusufbašić“ Visoko	26.09.2015.
13	Državno prvenstvo BiH	A1, F1H	AK „Krila Sarajeva“	Letilište „Kenan Jusufbašić“ Visoko	26.09.2015.
14	Federalno prvenstvo FBiH	A1	AK „Ilidža“	Letilište „Kenan Jusufbašić“ Visoko	Oktobar 2015.
15	Kantonalno prvenstvo Kantona Sarajevo	D1	VS Kantona Sarajevo	Sarajevo	Jesen 2015

Soniboj Sabo je predložio da Modelarska komisija pooštri uslove za nastup u reprezentaciji BiH tako što će se podići kriterij sa 1100 na 1200 bodova. Selektor i Predsjednik Modelarske komisije iznio je mišljenje da to ne bi promijenilo praktično ništa jer je suština problema u nedostatku konkurencije i finansiranja nastupa od strane države. Zaključeno je da kriterije ne treba mijenjati do daljnjeg.

Tokom rasprave u kojoj su učestvovali brojni članovi MK doneseni su i sljedeći zaključci:

1. Treba aktuelizirati i razraditi pravila za našu nacionalnu klasu sobnih modela D1 kako bi se maksimalno uskladila sa FAI klasama i kako bi se definisalo vođenje" i sudari modela u kontekstu sudijskih odluka. Dogovoreno je da Vjenčeslav Kukić i Mirsad Kapetanović pripreme prijedlog Pravilnika koji će se prije ovogodišnjih takmičenja dostaviti svim aeroklubovima koji organizuju i učestvuju na takmičenjima u klasi sobnih modela na diskusiju i usvajanje.
2. Sastanke Modelarske komisije treba u pravilu održavati prije 15. novembra tekuće godine jer je to rik za prijavu FAI Open International - World Cup takmičenja.

Ad 3: Prijave FAI Open International - World Cup takmičenja za 2015. godinu

AK Mostar i AK „Izet Kurtalić“ Visoko su kandidovale „51. Mostar Kup“ (Mostar) i „2015 Memorijal Izet Kurtalić“ (Bosanski Petrovac) kao takmičenja u BiH koja će se bodovati za FAI Svjetski kup (FAI Open International - World Cup).

Modelarska komisija je prihvatila obrazloženje Predsjednika Modelarske komisije i Generalnog Sekretara da su prijave već izvršene zbog FAI rokova. Odgovarajuće takse u iznosu od po 70 EUR po takmičenju izvršili su direktno aeroklubovi organizatori.

Ad 4: a) Rang liste kandidata za seniorsku i juniorsku Reprezentaciju aeromodelara BiH u klasama F1 A,B,C na bazi rezultata postignutih u 2014. godini

Na osnovu rezultata postignutih u 2014. godini napravljena je rang lista kandidata za seniorsku reprezentaciju BiH po kategorijama F1 A, B i C koja će nastupiti na Svjetskom prvenstvu u Mongoliji od 27.07. do 03.08.2015. godine. Takođe je napravljena i lista kandidata za juniorsku reprezentaciju BiH po kategorijama F1 A i B koja treba nastupiti na Evropskom prvenstvu u Rumuniji od 10. do 16.08.2015. godine. Tabela prikaz svih rezultata na osnovu kojih su napravljene rang liste podijeljen je prisutnim delegatima. Rang liste su napravljene uz strogu primjenu ranije definisanih kriterija koje je usvojila Modelarska komisija.

Ad 4: b) izbor članova reprezentacija

Na osnovu usvojene rang liste za seniore određeni su sljedeći članovi seniorske Reprezentacije BiH:

F1 A

1. Enes Pečenković	(Bihać)	1260	+ 1260 + 1260 = 3780
2. Robert Bjelajac	(Galeb BL)	1260	+ 1260 + 1250 = 3770
3. Elmin Kerkez	(Visoko)	1260	+ 1137 + 1137 = 3534
4. Jasminka Pečenković (rezerva)	(Bihać)	1200	+ 1130 + 1128 = 3458
5. Edin Šahinović (rezerva)	(Visoko)	1260	+ 1211 + 0 = 2471

F1 B

1. Emir Hajdarević	(Visoko)	1245	+ 1239 + 1229 = 3713
2. Soniboj Sabo	(Mostar)	1260	+ 1260 + 1189 = 3709
3. Malik Čabaravdić	(Visoko)	1260	+ 1235 + 0 = 2495
4. Mirsad Kapetanović (rezerva)	(Visoko)	1260	+ 1165 + 0 = 2425

5. Haris Jusufbašić (rezerva)	(Visoko)	1230	+ 0	+ 0	= 1230
-------------------------------	----------	------	-----	-----	--------

F1 C

1. Mustafa Šahinović	(Visoko)	919	+ 0	+ 0	= 919
2. Rade Mazalica	(Prijedor)	0	+ 0	+ 0	= 0
3. Edin Šahinović	(Visoko)	0	+ 0	+ 0	= 0

Na osnovu usvojene rang liste za juniore određeni su sljedeći članovi juniorske Reprezentacije BiH:

F1 A

1. Sara Budimčić	(ULL BL)	1154	+ 1116	+ 0	= 2270
2. Dragiša Kovačević	(ULL BL)	0	+ 0	+ 0	= 0
3. Ferid Rizvanović	(Mostar)	0	+ 0	+ 0	= 0

F1 B


1. Bakir Limo	(Visoko)	0	+ 0	+ 0	= 0
2. -	(-)	0	+ 0	+ 0	= 0
3. -	(-)	0	+ 0	+ 0	= 0

U 2014. godini je većina ranijih juniora u klasi F1B izgubila taj status. U juniorskoj konkurenciji ostao je samo Bakir Limo iz AK Visoko. Modelarska komisija je pozvala AK Visoko i AK Mostar da, u saradnji sa selektorom juniorske reprezentacije, pokušaju osposobiti još dva juniora kako bi se za Evropsko juniorsko prvenstvo u Rumuniji mogla kompletirati i ekipa F1B.

Alen Halak je na kraju sastanka, ispred domaćina VS FBiH, pozvao sve učesnike da nakon Skupštine VS FBiH (koja je održana isti dan na istom mjestu od 17.00 sati) na druženje uz ručak i piće u restoranu hotela EVROPA.

Sastanak Modelarske komisije je završen u 17,00 sati.

Predsjednik Modelarske komisije



Prof.dr Mirsad Kapetanović